



類函六十

百二五  
四政  
術

1加<sup>5</sup>  
427  
60



冊 1 3  
第  
卷



新念圖書  
此冊係明治八年八月廿一日  
由早稻田諸君以贈  
所購以贈



淵鑑類函卷一百二十五

政術部四

論政 寬政

立政 吏久從政

善政

論政一

**原**釋名曰政正也下所取正也 禮記曰聖人南面而

聽天下所宜先者五一日治親二曰報功三曰舉賢四

曰使能五曰存愛察育仁愛者也五者一得於天下民無不足

不贍者 尚書曰凜乎若朽索之馭六馬 大戴禮曰

德法者御民之銜勒也吏者轡也刑者策也天子御者

內史太史左右手也古者以法為銜勒以官為轡以刑

為策以人為手故御天下數百年而不解脣 **增**又曰

曾子曰敢問不費不勞以為明乎孔子愀然揚眉曰參汝以明主為勞乎舜左禹而右臯陶不下席而天下治

**原**論語曰君子篤於親則民興於仁故舊不遺則民不偷

**增**左傳曰季札聘于鄭謂子產曰鄭之執政者侈難將至矣政必及子子為政慎之以禮不然鄭國將敗

**原**管子曰國有四維一維絕則傾二維絕則危三維絕則覆四維絕則滅傾可正危可安覆可起滅不可得復也四維一曰禮二曰義三曰廉四曰恥 又曰堯舜之民非生而治桀紂之民非生而亂故治亂在上又曰聖君設度量置儀法如天地之堅如列星之固如

日月之明如四時之信然正令往而民從之

**增**又曰凡赦者小利而大害也故久而不勝其禍無赦者小害而大利也故久而不勝其福

**原**晏子曰景公問治國何患對曰患社鼠社有鼠不可灌人君之左右出則賣重寒熱入則矯謁收利

**增**又曰齊侯問於晏子曰為政何患對曰患善惡之不分公曰何以察之對曰審擇左右左右善則百僚各得其所宜而善惡分孔子聞之曰此言也信矣

**原**老子曰治大國若烹小鮮

**增**又曰聖人無恒心以百姓心為心善者吾善之不善者吾亦善之信者吾信之不信者吾亦信之

**原**商君書曰

凡人主所以勸民者官爵也國之所興者農戰也令民  
求官爵皆不以農戰而以巧言虛道也此為勞民勞民  
者其國必無力無力者其國必削 又曰善治者使盜  
跖可信不能治者使伯夷可疑 韓子曰夫堯生在上  
位雖十桀紂不能亂者勢治也桀紂亦生在上雖有十  
堯舜而不能治者勢亂也 陸賈新語曰君子為治也  
混然無事寂然無聲官府若無人亭落若無吏郵無夜  
行之卒鄉無夜名之征耆老甘味于堂丁男耕耘于野  
淮南子曰治國者若耨苗去害田而已今沐者墮髮  
而猶為之不已以其所去者少所利者多也 又曰治

國之道工無偽事農無遺力士無諂行官無失法譬若  
設網者引其綱而萬目張 又曰張琴瑟者小絃絀細者  
急也而大絃緩立事者賤者勞而貴者逸也舜為天下彈  
五絃之琴歌南風之詩周公肴膳不徹于前鐘鼓不解  
于懸而四夷服嬴秦政政秦始皇畫決獄夜理書御史冠  
蓋相接于道戍五嶺以備越五嶺鄧城之嶺九疑之塞  
番禺之都南野之界射干  
水築修城以守胡然姦邪萌生而亂愈滋 又曰太清  
之始天覆以德地載以樂四時不失其序風雨不降其  
虛日月淑清而揚光五星循軌而不失行鳳麟至著龜  
兆甘露下竹實滿流黃出朱草生滿成也流黃土精也  
朱草生于庭皆瑞應

也逮至衰世松柏籓輻宛而夏槁江河山川絕而不流  
夷羊在牧夷羊土神也殷之將亡見于南郊也飛蚤滿野蚤蟬也蒙屬又曰

楚王問詹何曰治國奈何詹何曰何明于治身不明于  
治國楚王曰寡人得奉宗廟社稷願學所以守之詹何  
對曰臣未嘗聞身亂而國治者也故本身不敢對以末  
楚王曰善

**釋**孔叢子曰田駢以道術說齊王王曰願  
聞國之政駢對曰臣之言無政而可以為政譬若林木  
無林而可以為林願王察其所謂而自取齊國之政焉  
天地之間六合之內可陶冶而變化也齊國之政何足  
問哉 又曰法之生也以輔仁義重法而棄義是貴其

冠履而忘其頭足也故仁義者為厚基者也不益其基  
而張其廣者毀不益其基而增其高者覆 **原**史記曰  
齊威王召即墨大夫而語之曰自子之居即墨也毀日  
至然吾使人視即墨田野闢民人給官無留事是子不  
事吾左右以求譽也封之萬家名阿大夫語之曰自子  
之守阿譽日聞矣然使使視阿田野不闢民貧若是子  
以幣享吾左右以求譽也是日烹阿大夫及左右嘗譽  
者於是齊國震懼人不敢飾非 **釋**又曰陸賈時時稱  
說詩書高帝罵之曰乃公居馬上得之安事詩書賈曰  
居馬上得之寧可以馬上治之乎且湯武逆取而順守

文武並用長人之術也 **原**說苑曰政有三品王者之  
政化之霸者之政威之強國之政脇之夫此三者各有  
所施而化之為貴矣化之不變而後威之威之不變而  
後刑之夫至於刑則非王者之所貴也 新序曰臧孫  
行猛政子貢非之曰夫政猶張琴瑟也大絃急則小絃  
絕矣是以位尊者德不可以薄官大者治不可以小地  
廣者制不可以狹民衆者政不可以苛獨不聞子產相  
鄭乎其掄材惟賢抑惡而揚善故有大略者不問其所  
短有德厚者不非其小疵其牧民之道養之以仁教之  
以禮因其所欲而與之從其所好而勸之賞之疑者從

重罰之疑者從輕

**增**

論衡曰魏文侯使西門豹往于

鄴告之曰耳聞之不如目見之目見之不如足踐之足  
踐之不如手辨之人始入官如入晦室久而愈明明乃  
治治乃行 魏何曾上明帝疏曰漢宣曰百姓所以安  
其田里而無歎息愁恨之心者政平訟理也與我共此  
者其惟良二千石乎此誠可謂知政之本也 晉劉頌  
受詔疏曰善為政者網舉而網疎網舉則所羅者廣網  
疎則小必漏所羅者廣則為政不苛此為政之要也  
唐書曰陳子昂上書言元氣者天地之始萬物之母王  
政之大端也天之道莫大乎陰陽萬物之尊莫大乎黔

首王政之貴莫大乎安人故人安則陰陽和陰陽和則  
天地平而元氣正矣 宋史歐陽修傳曰或問為政寬  
簡而事不弛廢何也曰以縱為寬以略為簡則政事弛  
廢而民受其弊吾所謂寬者不可苛急簡者不為繁碎  
耳

論政二

**原審禮** 履事 權衡誠懸不可欺以曲直規矩誠設不可欺以方圓  
君子素禮不可誣以詐 化人 知賢以道化人而  
不履其事則亂也禮 去煩 貴簡 謙慝黜遠去煩宥善莫不  
難在知賢 遺愛 絕私 賢理不肖用貴理  
賤叔梁云 應璩詩曰治 遺愛 絕私 子產古之遺  
化貴簡易法令不欲多

抱公 徵令 軌物 宰夫徵百官之 貴清淨 飾儒

雅 漢曹參為齊相有蓋公好黃老術曰貴清淨人自

酌人言 求民瘼 酌人言以為政 禁末產

如農功 管子曰末產不禁則民無 務三政 釐百工

苛虐 觀政淑慝謂旌別 德教行政 法令為師 孝經

其德教以行其政令 薛宣不教子吏事乃曰政 寬

猛相濟 法令滋彰 寬猛相濟政是以和 使民

以時 官人以序 論語 廉善廉能 足食足兵 周禮

羣吏之治一曰廉善二曰廉能注云皆 不躬不親

以廉為本 論語足食足兵民信之矣



弗剛弗柔弗躬不親庶人弗信 庶績咸熙 彛倫攸

敘熙和也 如璽印塗 猶金在鎔呂氏春秋曰民

塗董子曰下之 悅近來遠 親仁善鄰家語春秋

無反無側董子 不放不忘谷子 刑肅而俗弊 法

出而姦生禮記 擇可勞而勞之 因所利而利之

臨下以簡 安民則惠 稱物平施 振民育

德 政清吏肅 事簡民安 事舉其中 化行於上

壇九功 三德尚書禹曰於帝念哉德唯善政用在

厚生唯和九功唯敘九敘唯歌戒之用休董之用威勸

之剛克三 九敘 八政政上詳九功注 尚書曰三八

曰柔克 九敘 八政政一曰食二曰貨三曰祀四

曰司空五曰司徒六曰 財成 參伍周易曰天地交

地之道輔相天地之宜以左右民 孔叢子曰昔者五

帝取法於地 平易 恭敬史記何謂參伍仰取象於天

中取法於人 平易 恭敬史記何謂參伍仰取象於天

子之經濟類編曰子路治蒲見於孔子曰由願受教以

親製錦 置器左傳曰子皮欲使尹何為邑曰使夫

有美錦不使人學製焉大官大邑身之治矣子產曰使

者製焉其為美錦不亦多乎賈誼疏曰人之置器置

情與器無以異在天下之賈誼疏曰人之置器置

曰聖人虛其心實其 魚鱗 馬敗文子曰水濁則魚

腹弱其志強其骨 魚鱗 馬敗文子曰水濁則魚

太論時政曰臣聞東野善馭而敗其駕秦氏富強而覆

其國造父之御不盡其馬虞舜之治不 囊魚 肥羊

攻衛部 造父之御不盡其馬虞舜之治不 囊魚 肥羊

論政

論政

論政

論政

韓非子曰善張網者引其綱若一攝萬目而後得則  
勞而難引其綱而魚已囊矣吏者民之本網也故聖人  
治吏不治民史記曰漢卜式出賞助邊不願為郎上  
曰吾有羊在林中欲令子牧之式既為郎布衣草  
非獨羊也治民息上猶是矣曰如金石譬琴瑟疏  
慶賞以勸善刑罰以懲惡先王執此而更化之警諸  
董仲舒策曰為政不行甚者必變而更化之警諸  
不調甚者必為政不行甚者必變而更化之警諸  
解而更張之必為政不行甚者必變而更化之警諸  
則本固董仲舒策曰臣聞堯舜行德則民仁壽樂紂  
行暴則民鄙夫上之化下下之從上猶泥之在鈞  
甄者之民鄙夫上之化下下之從上猶泥之在鈞  
所為則民鄙夫上之化下下之從上猶泥之在鈞  
以道流天下御黜馬治亂繩彙苑詳注曰張敞不  
者其鬼不神御黜馬治亂繩彙苑詳注曰張敞不  
敢言敬使吏送至關戒吏自問武曰御黜馬者利其  
策梁國大都吏民凋敝且當以柱後惠文彈治之耳  
還道之敞曰必辦治貴知變疑不類彙苑詳注曰  
梁矣下詳第三條

寬經月不答一人及治鄂則嚴法峻誅不貸或問之曰  
鄉土瘠而民勞吾撫之猶恐其擾鄂士沃民剽賊夷俗  
非用威莫能治政所以貴知變也又曰柳仲郢為京  
兆政嚴明後出河南以寬惠為政或疑不類曰輦載之  
下先彈壓郡縣若之何毀不能無謗遊于鄉校以  
論執以政然明謂子產曰毀鄉校何如子產曰夫人朝夕  
遊焉以議執政之善否其所惡者改之吾師也若之何  
毀之孔叢子曰古之善為政者其初不能無謗子產  
相鄭三年而後謗止吾先君之相魯三月而後謗止  
損上益下懸賞設法易曰損上益下民說無疆  
吏以理萬民懸賞設法以別善三載考績六計弊  
惡人誅傷則善人蒙福矣  
吏合璧事類曰唐虞有三載考績之法而熙庶績周人  
有六計弊羣吏之治而皆以廉為本無非所以為吏  
政治也

論政三  
論政  
論政

**原**政如水霜姦軌消亡云舜辨上下定民志何以守

位曰仁何以聚人曰財容民畜衆危以動則民不

與易增建萬國親諸侯又曰地上有水比先神道

設教又曰聖人以神道原惟辟奉天道有升降政

由俗革德惟善政政在養民不貴異物民乃足不

寶遠物則遠人格書克艱又曰后克艱厥后臣克

德與治同道又曰德惟治否德亂與治同學古入

官又曰學古入官議勿貳勿疑又曰任賢勿原政

必本天以四時為柄以日星為紀欲治其國先齊

其家政者君之所藏為政在人治國不以禮猶

無耜而耕食節事時齊其政不易其宜修其教不

易其俗官職相序君臣相正與其食浮於人寧使

人浮於食四達不悖則王道備政不正則君臣危

禮記音與政通又曰治世之音安以樂其政和亂

與政原案名察實選才去能禮民從上所行為

政以德道之以政齊之以刑民免而無恥道之以德

齊之以禮有恥且格節用愛人必聞其政刑罰

不中無所措手足論先之以博愛而民莫遺其親先

之以敬讓而民不爭導之以禮樂而民和睦示之以好

惡而民知禁陳之以德義而民興行其教不肅而成

論政

其政不嚴而治

並孝

人道敏政

如蒲蘆

為政也者蒲蘆也言

如桑蟲變化

人道為大

子曰人道為大

裁國無利器猶鉛刀

而割

任賢使能

利而勿害

貪利則治道乖通

利則君道章

因任而授官循名而責實

周書

禮樂治

之粉澤

弗富不足無人不興無以合親

緩法重刑

非治平之理

民怨者傷國

六韜

為國富民

帝王富

民

野與市爭民家與府爭貨

若饑魚之歸餌渴馬

之赴泉

漫於政者害於國

四維不張國乃滅亡

達民之情然後從命

崇道貴德則聖人自來任能

黜否則官府理治

家語

不尚賢使民不爭不貴貨使民

不盜

老子

有問問淳淳

又曰其政悶悶其民淳淳其政察察其民缺缺

原國

有二柄

術者主之所執

勢者君之興威者君之策

國者君之興勢者君之馬

以一國目視故視莫明焉

以一國耳聽故聽莫聰焉

賞罰國之粉黛 託是非

於賞罰屬輕重於權衡

官爵以利民 守我理因自

然 因能受祿莫敢索官

利君之祿焉得不報 利

以得民 不以智累心不以私累世

不吹毛而求疵不

洗垢而索瘢

四疑不破損身失國

韓子

堯舜不易民

而治治桀紂不易民而治亂

荀子

勿鹵莽

莊子曰

治

有四術

上之所為民之歸也

引其紀萬目起引

論政

論政

論政

其綱萬目張 禮以體政政以正民 務德而安民

利以安之 利以平民 物有其官 官修其方呂氏春秋

四民用足則國家安黃石 **增**芒刃斤斧賈誼疏曰仁義恩厚

人主之芒刃也權勢 **原**下之從上猶金在鎔 琴瑟法制人主之斤斧也

不調必解而更張為政不行必變而更化董子 王者藏

於天下諸侯藏於百姓韓詩 治國無若五音史記 治有

二機 政有三品 治民如御奔馬苑說 治亂民猶治

亂繩漢書 治煩事如治亂髮傳 **增**在吾所以為政魏志

曰表漢字曜卿為梁相每勅諸縣曰世治則禮 **原**振

備世亂則禮簡方今難以禮化在吾所以為政 裘持領舉網收網 治化貴簡易法令不欲多應 政

有細目法有大綱廣論 知之者昌不知者亡 吏不徇

功民不私力王粲務本論 綜核人才官方任能晉書 各勤

其官以久其任 官少則精精則職理並桓 民非賢

則不治俗非智則不振杜預 取諸兩儀 必修諸己以

光四海抱朴子 罷無益之巧棄難得之貨潘尼 政寬則

姦易禁政急則姦難絕物理論 政道有三魏書 因事施

公仍便效才 民勞者傷國劉子 可以觀政 教之以

德則民有格心 齊之以刑則民有遜心

論政四

**原表**魏武帝陳損益表曰陛下即昨復蒙試用遂受上

政術部 論政

將之任統領二州內參機事實所不堪昔韓非閔韓之  
削弱不務富國強兵用賢任能臣以區區之質而當鐘  
鼎之任以闇鈍之才而奉明明之政顧恩念責亦臣竭  
節授命之秋也謹條遵奉舊訓權時之宜十四事奏如  
左庶以蒸螢增明太陽言不足採 魏曹植降江東表  
曰臣聞士之羨永生者非徒以甘食麗服宰割萬物而  
已將有以補益羣生尊主惠民使功存於竹帛名光於  
後嗣今臣文不昭於俎豆武不習於干戈而竊位藩王  
尸祿東夏消損天日無益聖朝淮南尚有山竄之賊吳  
會猶有潛江之鹵使戰士未獲歸於農畝五兵未得戢

於武庫蓋善論者不恥謝善戰者不羞走夫凌雲者泥  
蟠者也後申者先屈者也是以神龍以為德尺蠖以昭  
義昔湯事葛文王事昆夷固仁者能以大事小若陛下  
遣明哲之使繼能陸賈之蹤者使之江南發愷悌之詔  
張日月之信開以降路權必奉聖化斯不疑矣

**增**議晉潘岳九品議曰天生蒸民而樹之君使司牧之  
勿失其性君不獨治於是乎建牧立監陳其輔佐故曰  
天工人其代之然則高官厚祿非明崇賢所以興治卑  
位下役非為鄙愚所以供職雖或開榮辱之門有爭競  
之弊而百王莫之能易者此道不可以二故也方今天

下隆平四海攸同薦賢達善各以類進夫觀民宣化爲治之本雖實小邑猶須其人又中正之身優劣懸殊苟知人者智則不知者謬矣莫如達官各舉其屬方嶽九列朝所取信郡守雖輕有刺史薦舉之當否實司其事考績累名施黜陟焉進賢受賞不進賢甘戮沮勸旣明則人自爲謀庶公道大行而私謁息矣

**原論**後漢崔寔政論曰自堯舜之帝湯武之王皆賴明哲之佐博物之臣故臯陶陳謨而唐虞以興伊箕作訓而殷周以隆及繼體之君欲立中興之功者曷嘗不賴賢哲之謀乎凡天下之所以不治者常由世主承平日

久俗漸弊而不寤政寢衰而不改是以受命之君每輒創制中興之主亦匡時失俗人拘文牽古不達權制奇偉所聞簡忽所見焉可與論國家大事哉孝宣皇帝明於君人之道審於爲政之理故嚴刑峻法破姦宄之膽海內清肅天下謐如嘉瑞並集屢獲豐年薦勲祖廟享號中宗算計見效優于孝文元帝即位多行寬政卒以墮損威權始奪遂爲漢室基禍之主治國之道得失之理於斯可以鑒矣昔孔子作春秋褒齊桓懿晉文歎管仲之功夫豈不美文武之道哉誠達權救弊之理也故聖人能與世推移而俗士苦不知變以爲結繩之約可

復治亂秦之緒于戚之舞足以解平城之圍文帝乃除  
重刑非輕之也以嚴制平非以寬制太平也 王符潛  
夫論曰夫為國者以富民為本以正學為基民富乃可  
以教學正乃得以義民貧則背善學淫則詐偽明君之  
法務此二者以為太平之基致休徵之隆夫富民者以  
農桑為本以遊業為末百工者以致用為本以巧飾為  
末商賈者以通乏為本以鬻貨為末三者守本則民興  
富國之所以為國者以民也治國之日舒以長故其民  
閑暇而力有餘亂國之日促以短故其民困務而力不  
足所謂治國之日舒以長者非能請義和而令安行也

乃君明察而百官理民安靜而力有餘故視日長也所  
謂亂國之日促以短者非能謁義和而令疾驅也乃君  
暗則百官亂而姦究興細民懷賄而趨走故視日短也  
魏王粲儒吏論曰士同風於朝農同業於野雖官職  
務殊地氣異宜然其致功成利未有相害而不通者也  
至乎末世則不然矣執法之吏不闕先王之典縉紳之  
儒不通律令之要彼刀筆之吏豈生而察刻哉起於几  
案之下長於官曹之間無溫裕文雅以自潤雖欲無察  
刻弗能得矣竹帛之儒豈生而迂緩也起於講堂之上  
遊於鄉校之中無嚴猛斷割以自裁雖欲不迂緩弗能



得矣先王見其如此也是以博陳其教輔和民性達其所壅祛其所蔽吏服雅訓儒通文法故能寬猛相濟剛柔自克也

**釋**說明蘇伯衡空同子瞽說曰三代之後取天下不必皆由仁義其才智高出於天下則取之矣至於維持天下係乎風俗維持風俗係乎政教則無古今一也故政教之得失風俗之美惡乃天下安危存亡之所係而國勢之強弱弗與焉何以知其然邪西漢十有二君而其六君者賢君也成哀雖失德然禍不及民其國勢可謂強固難動而王莽以斗筭穿窬之材不下陞而取之所

以然者由高帝自謂得之馬上安事詩書其政教不修其風俗不美也東漢自安順以下日入於衰亂而桓靈之虐與三季之主無大相遠宜其勢之易動而董卓呂布袁紹袁術皆有絕人之姿曹操功蓋當世而才百倍於莽此數人者莫不竭其智力而終莫能得焉所以然者由世祖敦尚學術興厲名節以表正之明帝開設學校尊禮師傅以作新之政教修於上風俗美於下也然則政教風俗之於天下豈細故哉時君世主之務宜莫此之急矣或者乃以為取天下既無難則保天下宜亦易易然而於凡大閑漠乎其不留意也可乎哉

立政一

**原**都鄙有章 上下有服 呂氏春秋 考政法 覘治亂 家語

除怨惡 同好善 周禮合 取誠信 去詐偽 周禮

角斗角 正權槩 月令 市廛不稅 關譏不征 用地

大小 視年豐耗 並王制 申畫郊圻 表厥宅里 書

春入貢 秋獻功 稽其功緒 糾其德行 已上並周禮

**增**惟其人 施有政 尚書曰唐虞稽古建官惟百內有

和萬國咸寧夏商官倍亦克用又明王立政不惟其官

惟其人又曰君陳惟爾令德孝恭唯孝友于兄弟克

施有政命汝尹 督生徒 給廚饌 韓愈潮州請置鄉

日久趙德秀才沈雅專靜頗通經有文章請攝海陽縣

尉為衙推官專勾常州學以督生徒興愷悌之風刺史

出已俸百千以為舉本收 明罰勅法 奠麗陳教 易

其贏餘以給學生 尚書曰昔君文王武王宣 九功

重光奠麗陳教則肄肄不違用克達殷集大命 九功

**九敘** 庶獄庶慎 尚書曰水火金木土穀惟修正德

又曰周公曰嗚呼孺子王矣 和九功惟敘九敘惟歌

相我受民和我庶獄庶慎 不易其俗 以率其怠

禮記曰齊其政不易其俗 春生秋殺 陽開陰閉

韓愈集曰中書舍人太原王公為御史中丞觀察江南

西道八州之人前所不便及所願欲而不得者公至之

戶皆罷行之春生秋殺陽開陰閉令修于庭

戶數日之間而人自得於湖山千里之外

**原**璿璣七政 書 **增**舊人共政 又曰古我先王亦

惟圖任舊人共政 **原**

**洪範八政** **增**咸熙 允釐百工庶績咸熙 **原**明王立政 小國 立政

政術部 尚監類函卷一百一十五

事大國大國庇小國 罪疑惟輕 功疑惟重 殖有

禮覆昏暴 三載考績三考黜陟幽明 乃施典於

邦國 乃施則於都鄙 以六典治邦國

禮典四政典 以八法治官府

成刑六官法七 以八柄馭羣臣

禮俗八田役 以八統馭萬民

吏八曰誅 以九職任萬民

禮賓九 以九式均節財用

間民 以九兩繫民

七芻秣八匪 以九兩繫民

領九好用 以九兩繫民

以六敘正羣吏

注曰一正其位二進其治三作其事四制其食五受其會六聽其情

邦治 責五祿位六取予七賣買八出入

二聚萬民 六去幾七肯禮八殺哀九蕃樂十多昏十一

索鬼神 須職事十有二於邦國都鄙使以登萬民

七化月八稼穡九樹藝十作材十一阜蕃十二服事

以鄉三物教萬民 注曰六行三曰六德二

注曰嘉石也 以嘉石平罷民

朝門左平成也 以阜人民以蕃鳥獸

而無告者 以阜人民以蕃鳥獸

利周禮合 為封丘之度 掌邦之委積以待

憲鄉里之委積以恤民之難阨門關之委積以養孤

老郊里之委積以待賓客野鄙之委積以待羈旅縣都

之委積以待凶荒周禮遺人以稍聚待賓客以旬聚待羈

旅周禮委人掌斂野齊八政以防淫一道德以同

俗禮並刑仁講讓禮運同律禮樂制度量入以為出制

國用必於歲之杪量地以制邑度地以居民並王制

完隄防護壅塞以備水潦月令安民立政書別行其政

教論語制送死之節家語增父其父子其子又曰孔子

信子曰治單父而眾說語丘所以原行之以禮守之以

有勲不廢有績而載禮記

月省時考歲終報功淮南子立之以長幼齊之

以君臣厲之以義敦之以仁並杜預增為容主禮

疏明周敘正統十四年啓疏修庶政曰天下一統萬

幾日臻孰非常理但事有重輕勢有緩急況今弊政之

餘尤難為功得不思其緊切者施之哉如選大臣以端

呂氏春秋

以君臣

厲之以義敦之以仁

並杜預

增為容主禮

韓愈兼曰今上初故宰相常交為福建諸州觀察使袁

能誦書作文辭者袁建庠序宋史宗澤傳曰調備州

親與之為客主之禮建庠序宋史宗澤傳曰調備州

俗一變自此擢利者相繼峙糧儲治戎器禮元史阿

價釋粟以峙糧儲命近郡分治戎器閱士卒以備不虞

立政三

疏明周敘正統十四年啓疏修庶政曰天下一統萬

幾日臻孰非常理但事有重輕勢有緩急況今弊政之

餘尤難為功得不思其緊切者施之哉如選大臣以端

政術部

欽定四庫全書

治本嚴明賞罰以聳觀聽崇獎御史以振紀綱革罷監軍以專委寄講求屯種以省饋餉輯睦親藩以厚宗支旌表忠節以作士氣限禁僧道以來召募革去罰贖以澄貪濁禁抑權貴中鹽以通商賈招降各處寇盜以安反側修理水陸道路以便驛運整棚腹裏緊要城池軍馬以備不虞似此尚多宜令預政大臣逐一詳審條例施行則內修外攘讎恥可復邦國奠安

**增銘**宋陳無已黃樓銘曰熙寧十年河決澶州南傾淮泗彭城當其冲夾以連山扼以呂梁流泄不時盈溢十里平地水深丈餘守臣蘇軾深惟流亡為天子憂夙夜

不怠興發戍兵外為長楗乘高如虹以殺其惡內為大隄附城如環以待其潰築二防於南門之外以適南山以安危疑發倉庾明勸禁以惠困窮以督盜賊宣布恩澤巡行內外吏民嚮化興於事功法施四邑誠格百神可謂有功矣宜有褒嘉以勸郡縣十月奏京師明年元豐正月制誥諭意臣軾惟念祇承謨訓人神協同敢自為功以速大戾而明揚褒大無以報稱乃作黃樓於東門具刻明詔以承天休而明德意使其客陳師道為之銘其詞曰皇治惟戒修明法度協和陰陽十有一年天災時行河失其防齊魯梁楚千里始達潰亂散亡皇仁

隱憂臨遣信臣以惠東方羸老不窮安慰撫養發散積  
倉流人如歸居人忘危完聚靡傷天敘地平明聖成能  
人神效祥靈平告成百穀豐盈萬邦樂康郡縣祇畏允  
迪聖謨終事無荒皇功不居歸休臣民邇昭遠揚守臣  
拜手夸大休嘉使民不忘改作黃樓以臨泗上述修故  
常庶臣無佞原始原終銘之石章以告成功以揚德聲  
永永無疆

**增**碑唐韓信卿河南尹張公碑曰惟唐六葉歲在乙未  
兇臣肇亂殘毒生靈穀洛之郊七年方平宮廟燔夷府  
寺為墟陰燐轉於原隰麋鹿遊於街陌天子乃命河東

郡侯延賞尹於東夏視人猶身視邦猶家一年流亡磨  
至二年土壤咸闢三年公給人足家有餘積疏達河渠  
導塞隄封乃立宗廟乃建寢殿變丘墟為閭里散災稔  
為和氣公府若虛戶庭不扃牛馬產畜牧而不羈

**增**議元郝經立政議曰臣聞所貴乎有天下者謂其能  
作新樹立德澤加於人令聞施於後也國家光有天下  
縣歷四紀恢拓疆宇古莫與京惜乎攻取之計甚切而  
修完之計弗逮天下之器日益弊而生民日益億也蓋  
其幾一失而其弊遂成法度廢則紀綱亡官制廢則政  
事亡都邑廢則宮室亡學校廢則人材亡廉恥廢則風

俗亡紀律廢則軍政亡守令廢則民政亡財賦廢則國  
用亡天下之器雖存而其實無有昔元魏始有代地便  
參用漢法至孝文遷都洛陽一以漢法為政典章文物  
粲然與前代比隆天下至今稱為賢君王通修元經即  
與為正統是可以為鑒也金源氏起東北小夷部曲數  
百人渡鴨綠取黃龍便建位號一用遼宋制度收一國  
名士置之近要使藻飾王化號十學士至世宗與宋定  
盟內外無事天下晏然法制修明風俗完厚真德秀謂  
金源氏典章法度在元魏右天下亦至今稱為賢君燕  
都故老語及先皇者必為流涕其德澤在人之深如此

是又可以為監也今有漢唐之地而加大有漢唐之民  
而加多雖不能便如漢唐為元魏金源之治亦可也陸  
下睿稟仁慈天錫勇智喜衣冠崇禮讓愛養中國有志  
於為治而為豪傑所歸王民所望久矣今自踐阼以來  
下明詔蠲苛煩立新政去舊污登進茂異舉用老成緣  
飾以文附會漢法天下顯顯莫不思見德化之盛至治  
之美也但恐害民餘孽板附姦邪更相援引比次而進  
若不辨之於早猶夫前日也書曰罔不在厥初易曰履  
霜堅冰至詩曰如彼雨雪先集維霰春秋書元年春王  
正月皆謹之於初辨之於早也方今之世在於卓然有

為斷之而已毋累於宵人不惑於羣言兼聽俯納賁若  
一代號為英主臣之所願也

善政一

**增**易曰君子以勞民勸相 又曰君子以振民育德

又曰先王以茂對時育萬物 茂對天時 養育萬物 尚書曰欽若

昊天曆象日月星辰敬授人時 詩曰訐謨定命遠猶

辰告 **原**禮記曰哀公問政子曰文武之政布在方策

其人存則其政舉其人亡則其政息 論語曰子貢問

政子曰足食足兵民信之矣子貢曰必不得已而去於

斯三者何先曰去兵子貢曰必不得已而去於斯二者

何先曰去食自古皆有死民無信不立 又曰季康子

問政於孔子孔子對曰政者正也子帥以正孰敢不正

又曰季康子問政於孔子曰如殺無道以就有道何

如孔子曰子為政焉用殺子欲善而民善矣君子之德

風小人之德草草上之風必偃 又曰或謂孔子曰子

奚不為政子曰書云孝乎惟孝友于兄弟施於有政是

亦為政奚其為為政 家語曰子路治蒲三年孔子過

之入其境曰善哉由于恭敬以信矣入其邑曰善哉由

乎忠信以寬矣至其庭曰善哉由于明察以斷矣子貢

問曰夫子未見由之政而三稱其善可得聞乎孔子曰



入其境田疇治草萊闢溝洫深此恭敬以信故其民盡力也入其邑牆屋完固林木甚茂此其忠信而寬故其民不偷也至其庭甚清閒諸下用命此其明察以斷矣又曰哀公問政於孔子孔子對曰政之急者莫大乎使民富且壽也公曰爲之奈何孔子曰省力役薄賦斂則民富矣敦禮教遠罪戾則民壽矣公曰寡人欲行夫子之言恐吾國貧孔子曰詩云愷悌君子民之父母未有其子富而父母貧也 又曰衛靈公問孔子曰有語寡人爲國家者謹之於廟堂之上則政治矣何如孔子曰其可也愛人者則人愛之惡人者則人惡之 又曰

哀公問於孔子曰寡人欲國小則能守大則能攻其道何如孔子曰使君朝廷有禮上下和親天下百姓皆君之民也將誰攻焉苟違此道民叛如歸皆君之讎也將誰與守公曰善哉於是廢澤梁之禁以惠百姓 管子曰凡爲國之道必先富民民富則易治也貧則難治也奚以知然民富則安鄉安鄉則重家重家則敬上畏罪敬上畏罪則易治也貧則危鄉危鄉則輕家輕家則凌上犯禁凌上犯禁則難治也昔者七十九代之君法制不一號令不同然而俱王天下何也必國富而粟多也 又曰政之所存在順民心政之所廢在逆民心民惡

夏勞我佚樂之民惡貧賤我富貴之民惡危墜我存安  
之民惡滅絕我生育之民又曰凡牧民者欲民之正欲  
民之正也則微邪不可不禁也微邪者大邪之所生也  
微邪不禁而求大邪之亡傷固不可得也鄧析書曰  
夫水濁則無掉尾之魚政苛則無逸樂之士增經濟  
類編曰魏文侯時西門豹為鄴令發民鑿十二渠引河  
水灌民田田皆溉當其時民治渠煩苦不欲也豹曰民  
可以樂成不可與慮始今父老雖患苦我然百歲後期  
令父老子孫思我言原左氏傳曰鄭人遊於鄉校以  
論執政然明謂子產毀鄉校如何子產曰何為夫人朝

進夕退而游焉以議執政之善否其所善者吾則行之  
其所惡者吾則改之是吾師也又曰子產知然明問  
為政焉曰視民如子見不仁者誅之如鷹鷂之逐鳥雀  
也子產喜以語子太叔且曰他日吾見蔑之面而已今  
吾見其心矣子太叔問政於子產子產曰政如農功日  
夜思之思其始而成其終如農之有畔其過鮮矣又  
曰鄭子產有疾謂子太叔曰我死子必為政唯有德者  
能以寬服民其次莫如猛夫火烈民望而畏之故鮮死  
者水懦弱民狎而玩之則多死焉疾數月而卒太叔為  
政不忍猛而寬鄭國多盜取人於萑蒲之澤太叔興徒

兵以攻萑蒲之盜盡殺之仲尼曰善哉政寬則民慢慢則糾之以猛猛則民殘殘則施之以寬寬以濟猛猛以濟寬政是以和 孟子曰為高必因丘陵為下必因川澤為政必因先王之道 孫卿子曰夫一仞之牆民不能踰百仞之山童子升而游焉凌遲故也今仁義之凌遲久矣能謂民弗踰焉 莊子曰至德之世山無蹊隧澤無舟梁鳥雀之巢可攀援而闕也 又曰聞在宥天下不聞治天下在之者恐天下之淫其性也宥之者恐天下之遷其德也天下不淫其性不遷其德有治天下者哉 又曰黃帝將見大隗于具茨之山適遇牧馬

童子請問為天下小童曰夫為天下者奚以異乎牧馬哉去其害馬者而已矣 商君書曰古者民聚生而羣處故求有上也然則天下之樂有上將以為治也今有主而無法其害與無主同有法而不勝其亂與無法同也 韓子曰故言毛嬙西施之美無益君面用脂澤粉黛則倍其初言先王仁義無益於治必賞罰則國治賞罰法度者國之脂澤粉黛 又曰勢者君之馬也威者君之輪也勢固則輿安威定則策勁臣從則馬良民和則輪利為國有失於此覆輿奔馬折策敗輪矣輿覆馬奔策折輪敗載者安得不危 經濟類編曰倪寬

政術部 善政

為左內史寬既治民勸農業緩刑罰理獄訟卑體下士  
吏民大信愛之 原新序曰魯君使宓子賤為單父宰  
子賤辭去因請善書者使書憲法魯君與之至單父使  
書子賤從旁引其肘書醜則怒之欲好書則又引之書  
者患之辭去歸以告魯君魯君曰子賤苦我擾之使不  
得施其善政也乃命有司無得擅徵發單父單父大理  
補冊府元龜曰劉仁軌鎮守百濟經福信之亂合境  
凋殘僵屍相屬仁軌始令收斂骸骨瘞葬弔祭賑貸貧  
乏存問孤老條錄戶口 又曰陽城貞元末為道州刺  
史土地產民多矮每年常貢號為矮奴城不平以良為

賤又憫歲有離異之苦乃抗疏論免之無不泣荷 唐  
書曰韓愈改袁州刺史素人以男女為隸過期不贖則  
沒入之愈至悉計庸得贖所沒歸之父母七百餘人因  
與約禁其為隸 冊府元龜曰李德裕為浙西觀察使  
江嶺之間信巫祝惑鬼怪有父母兄弟癘疾者舉室棄  
之而去德裕欲變其法擇鄉人之有識者諭之以言繩  
之以法數年之間弊風斯革 彙苑詳注曰李惠登雖  
樸素無學術而視人所謂利者行之所謂害者去之率  
心所安暗與古合居二十年田畝日闢戶口日增 又  
曰王克敬嘗為兩浙鹽運使温州逮鹽犯以一婦人至

克敬大怒曰豈有遠婦人行千百里外與吏卒雜處者  
汙教甚矣自今毋違建議著為令 經濟類編曰元順  
帝時水旱民多失業時魏中立薦韓墉為饒州路總管  
俗尚鬼墉至凡境內淫祠盡毀之人初大駭已而歎服  
選民俊秀入學求尊宿有學行者為五經師每月考課  
以示勸勉由是人人自力於學

善政二

**原德和**

寬撫

以德和人

葬鰥獨

無追捕

黃霸

川鰥獨有死無以葬者霸為伐其所木為棺以葬之也  
韓延壽為郡守置正五長不得舍姦人後吏無追捕  
之苦

不嚴而化

決遣如神

文景時為循吏如河南太守吳公蜀守文翁皆謹身

率先居以廉平不至嚴而人從化江都相仲舒內史公  
孫弘倪寬居官可紀朱博冀州行部吏民數百遮道  
博使從事明勅告吏民欲言縣丞尉者刺史不察黃綬  
各自詣郡欲言二千石墨綬屯吏者行部還詣治誹冤  
及言盜賊詞訟各使屬其吏人不欺姦豪皆去韓  
壽推至誠吏人不敢欺何並為潁川名去杜預號  
黃霸郡中姦豪持吏短欺杜預字元凱在朝七年損益萬  
武庫 朱邑葬桐鄉晉杜預字元凱在朝七年損益萬  
庫言無不有朱邑字仲卿為桐鄉人後子孫奉嘗  
辱人遷大司農將死屬其子曰桐鄉愛我後子孫奉嘗  
我不知桐鄉人文公制移居 翁歸有記籍魏鄭渾  
必葬我桐鄉也尹翁歸為東海郡中賢不肯皆有  
為京兆以百姓制移居之法使兼複與單輕相伍以發  
為勤稼於是人安陶侃無棄物薛宣字貢君為左馮  
籍設方略薛宣設方略陶侃無棄物  
為設方略刊用而省費人稱之郡中遂清淨也  
侃為荆州造船竹頭及木屑皆令舉掌之後正會積雪  
政術部開監貢函卷一百二十五 善政

始晴地濕以木屑布地及桓温伐蜀又以黃霸務在

安全黃霸務在所貯竹頭作釘裝船其絲理微密如此

平不苛以愛利百姓增捕蝗殺狗冊府元龜曰趙

度天下大蝗禁肉捕蝗者獲蝗一斗給粟一斗使饑者

獲濟又曰李駕為太原尹舊俗有僧徒習禪及死不

斂骸斂骸贖子和詳第一條賦冊府元龜曰朱忠亮元

忠亮以侏錢贖而還燒瓦賦冊府元龜曰朱忠亮元

其親者約三百人為屋屢有火災環人為燒瓦改督廣州

舊俗皆以竹茅為屋屢有火災環人為燒瓦改督廣州

自是無復延燒之患唐書曰牛僧孺為鄂岳黃觀

察等使江夏城風土散惡難立垣墉每年加版築賦善

萬即賦之吏緣為姦僧孺至計茅苦版築上詳第一條

之價凡五年墉皆登育德設教上詳第一條

以省方勸杜母賈父李商隱詩曰疲民呼杜母

民設教杜母賈父李商隱詩曰疲民呼杜母

字偉節補新息長小民困貧多不養子後漢書曰賈彪

殺人為罪數年間人養子者千數冊府元龜曰賈彪

名為賈子開廢河修故堰冊府元龜曰賈彪

有無棣河隋末填廢大鼎奏開之引魚鹽于海刺史薛大

之曰新河得通舟楫利直達滄海魚鹽至昔日徒行今

驛興元郡嘗修蕭何所為景苑詳注曰真宗朝許景山

下乃暇為此吾豈愛一高其相削其石孫叔敖

為楚相楚俗好車王以高其相削其石孫叔敖

車者皆君子不知所從不可臣請教問里使高其相

高其相臣請教問里使高其相

石在北距南瀆有水路多覆巨舟駢注視之乃有橫

賞盜麥勸輸錢景苑詳注曰孔文舉為北海相有一

政術部勸輸錢景苑詳注曰孔文舉為北海相有一

善政善政

善政善政

善政善政

善政善政

善政善政

鄰家熟麥以進文舉特加賞異曰無有來取勿復盜也  
 王露曰孫莘老知福州時民欠市易錢繫者甚眾有  
 富人出錢五百萬葺佛殿莘老曰汝輩所以施錢何也  
 曰願得福耳曰孰若為獄囚代償官逋使數百人釋也  
 楷之苦得福豈不多乎富  
 畜雞豚種蔥韭  
 帝垂意於治數下恩澤詔書吏不奉宣太守霸為選擇  
 良吏又曰布詔令使郵亭鄉官皆畜雞豚以贍寡貧窮  
 者又曰龔遂為渤海太守見齊俗奢侈好末技不田  
 作迺躬率以儉約勸民務農桑令口種一樹榆百本  
 五十本蔥一畦免供矮奴禁賣女口  
 至郡孔戣為廣州刺史引水開田置橋立廬  
 口郡禁絕賣女口  
 行方檢校幽州都督引盧溝水廣開稻田數千頃  
 曰李西華貞元中為商州刺史商州西至藍田東至內  
 鄉山岨重沓小遇暴雨則隔絕行旅西華  
 請設工十餘萬置橋立廬自是行旅不滯人為立碑  
 民請刊石諸州貧人死于道路而肅州全活者甚眾

州人為之碑頌又曰劉表微公平之政請刊石頌美  
 府上言縣民三百七十稱表微公平之政請刊石頌美  
 從之得免寒苦知有生聚  
 而俗不知織績民冬月無衣見吏則衣草而出實至官  
 斥賣儲時為作紡績束緝之具以教之民得免寒苦  
 續問奇類林曰虞允文泚浙以浙民歲苦輸身丁錢絹  
 細民生子即棄稍長即殺惻然久之訪知江渚有菽場  
 向為世家及浮屠所私令有司籍數以聞請以代輸  
 民之身丁錢絹九州之民始知有籍數以聞請以代輸  
 平章百姓協和萬邦  
 許謨定命章志貞教  
 本給粟一斗  
 活饑民五十餘萬  
 得棄兒三千八百  
 作中書二十四考矣又曰葉石林夢得嘗言在許昌  
 值大水發賑十餘萬人唯遺棄小兒無由救一日詢左  
 政術部  
 州監項承卷一百一十五  
 善政

布曰人固願得之但患既長識認耳乃為閱法例凡遺棄小兒父母不得復取遂作空券數千即給內外廂界保券凡得兒者皆使自明所從來書張延賞具舟楫於券付之略為籍記凡三千八百人

遣亡人 王敬堯設糜糗待軍士 冊府元龜曰張延賞大曆中鎮揚州屬歲

旱人有亡去他境者吏或拘之延賞曰居此坐斃適彼可生又何恨也具舟楫而盡遣之俾吏修其室廬又曰王敬堯唐末為潁州刺史乾寧四年冬龍師古敗軍路出於潁時雨雪連旬軍士凍餒敬堯自淮燎薪相屬于道郡中設糜糗餅餌進賢理屈探隱拯沉聲

與風翔 澤從雲游 雨零露湛 冬暖春暄 聲

善政三

厚下安宅 人君觀剝之象而厚 重明以麗乎正乃

化成天下 易 亮采惠疇 謂明亮庶事而 翁受敷施

言人君於有德者合 而受之布而用之也 德懋懋官功懋懋賞 書 衆人

熙熙如登春臺 老 袂飾 漢雋曰言除去 原所居人

富人 王成黃霸朱邑龔遂鄭弘召信臣所居人富所 去見思生有榮號死見奉祀庶幾德讓君子也 唯

恐人知 史直不疑為官唯恐人知其為 懼家給人足

彙苑詳注曰陶侃練庶事勤稼穡戎陣武士皆勸勵之 有奉饋者問其所以由若力役所致歡喜慰賜若他所得 則呵辱還之是以軍民 義合里 冊府元龜曰袁滋貞

勤於農稼家給人足 義合里 冊府元龜曰袁滋貞 姓有至自他境者皆給地 無閉糴 觀使湖南舊法

豐年貨易不出境鄰里無相相 禁賣親鬻子

至謂屬吏曰此非人情也無官閉糴 寬明勤謹 又曰唐党仁弘為戒州都督夷僚之俗

賣親鬻子仁弘制法禁斷百姓便之 造舟百艘 問奇類林云趙清 謹德化大行人請立碑 造舟百艘 獻公在虔州當二



廣之衝行者常自處易舟而北公取餘材造船百艘移  
二廣諸郡曰仕宦之家有父兄沒而不能歸者皆移文  
以遣當具舟載之  
歸者相繼於道

善政四

**增詩**陳江總治西湖詩曰史氏導漳水西門溉河潮圖  
始未能悅克終良可要擁鐘勸年首提灑勞春朝平臯  
草色嫩通林鳥聲嬌已集故池鶯齊蒔新田苗何吁畚  
築苦方驩魚稻饒

**增序**宋王庭珪寅陂行序曰安成西有寅陂溉田萬二  
千畝廢久官失其籍大姓專之陂旁之田歲比不登邑  
丞趙君搜訪耆耄盡得古跡浚溪港起隄闕躬視阡陌

灌注先後各有繩約不可亂是歲適大旱而寅陂溉萬  
二千畝苗獨不槁民頌歌之國家方下勸農之詔法有  
農田水利實丞職也然偽自增飾以蒙顯賞者世不為  
怪由是水利為虛名今寅陂功竣丞不肯自言部使者  
終不及省察某出城別君東門外逢寅陂之民塞路涕  
泣言此為敘其事作寅陂行安成城頭烏夜宿啼烏未  
起雞登木傾村入城來送君馬首摩肩袂相屬但有龐  
首不識名何物老翁出山谷老翁持酒前致詞家住西  
村大江曲大江兩岸皆腴田古有寅陂置官屬自從陂  
廢田亦荒官中無人開舊瀆公沿故道堰橫流陂旁航

稻年年熟今年雖旱翁不憂田頭已打新春穀誰云此  
陂會當復老父曾聞兩黃鵠嗟哉如君不負丞躬行阡  
陌勸農耕監司項背只相望風謠滿路胡不聽胡不聽  
寅陂行爲叩天閭叫一聲

**增**賦唐白行簡文王葬枯骨賦曰骨雖無知葬以表德  
展厚禮於九原示深仁於萬國原夫靈臺肇建璧池是  
穿宛彼枯骨委茲窮泉旣靡覩其銘誌曾莫知夫歲年  
西伯乃色變蠹爾涕流泣然爰命從者將收瘞焉徒觀  
其年代超忽英靈淪沒土變豐肌苔封朽骨於是惠露  
生死澤及榮枯遺奠有加於蘋藻備物無闕於芻塗幽

壤始開見佳城於白日靈丘是啓旋卜宅於青烏旣而  
遷彼古塋葬之中野推誠於重泉之內昭德於普天之  
下念此窮塵之骨尚或瑾之欲使行路之人不得見也  
**原**教梁簡文帝圖雍州賢能刺史教曰冀州表朱穆之  
象太丘有陳寔之畫或有留愛士氓或有傳芳史籍昔  
越王鎔金尚思范蠡漢軍染畫猶高賈彪矧彼前賢寧  
忘景慕可並圖象廳事以旌厥善

**增**表梁劉孝儀爲雍州柳津請留刺史晉安王表曰楚  
備寶臣秦兵不入齊多君子魏珠恥照足使文公懼而  
側席孟軻歎而廢寢敢言借寇之願切望申耿之恩陞

下昔在潛龍因茲或躍固以陋膺膺於周原包匆匆之佳氣昔次君出撫近駕斑輪喬卿在政遙授袞服馮熊軾而督盜御龍章而行部無虧燮理有光司牧

**管頌**唐孫逖濟州刺史裴公德政頌曰公涖是邦其明年也皇帝東巡狩至岱宗自洛及兗供帳於東道者凡十有六州焉大或數圻次或萬井中產者輕幣膏梁者倍征方事之殷猶懼不給茲郡福小實難圖也公深識遠謀擇利而行西自於陽穀東盡於良清造舟為三橋置騎為馬驛闢野為兩頃除道為九達或稔或秬或薪或櫛或獲或餼或糧或糗因吏祿之奇贏雜官用之餘

羨通變合度豐省中程編戶之民秋毫勿興其三年秋大水河堤壞決諸郡皆俟詔到莫敢興役害既滋甚功無已時公既成奏因而發卒播告厥指率籲於人荷鍤者襁屬負畚者磨至公俯臨決河躬自護作雨不張蓋塵不振衣饋不致鮮寢不處館版築競勤鑿鼓弗勝以浹辰之役興百倍之利澹災革弊於今賴焉公名曜卿字渙之河東聞喜人

**原碑**梁裴子野丹陽尹湘東王善政碑曰皇上建顯號垂鴻名廣大配乎天地光華象乎日月長駕遠撫橫逸乎都外策鏡區域充塞乎無垠上冠九垓旁濟八表制

禮以告成功作樂以彰治定福應允臻祥慶符合六府  
孔修九官咸事於往歲也有司奏以湘東王為宣惠將  
軍丹陽尹既而下車為政振民育德循名責實舉無遺  
慮若夫據饋累起求賢如不及卑身折節用人若由已  
玉帛旅於丘園辟書交乎塗路求餘論於故府想遺風  
於舊哲延儒生於東閣命文學於後車重門洞啓列筵  
廣置四民總至獄訟殷集王兼而治之綽有餘裕上弘  
其禮下悅其風虛往實歸人得所至由是百吏仰成具  
僚斂衽千里之間有懷必亮躬親勸課賦政授時辨相  
物宜務盡地利由是仍歲有秋餘糧栖畝是以縉紳先

生愀然相顧遂造象魏拜而陳之有詔報曰織介之善  
春秋必書史民歸美難用抑絕於是二三君子歡得所  
奏乃擇工良匠追石名山撰德選辭興事篆刻俾萬代  
之下知斯文之在斯銘曰茫茫禹迹經啓萬方平秩肇  
定曰若我皇并包九域畫野分疆猗歟帝子日就月將  
疏爵分品奄有瀟湘君王先啓既表南國肇允神童翻  
飛上德導遠元微優游翰墨行成師範文為麗則帝曰  
爾詒出康庶績勿替敬典大猷允迪我王顯允洵美且  
麗夙夜乾乾有隆無替光贊大朝庇民濟世京邑翼翼  
永承嘉惠 陳徐陵為司空徐州刺史侯安都德政碑

曰巖巖天柱大矣周山之峰桓桓地軸壯哉崑崙之阜  
三光懸而不墜九土鎮以無疆承乾合德之君則天體  
元之后所以並吞四鎮咸建五臣業配蒼祇功成寓縣  
至於流名雅頌著美風詩年代悠然寂寥無紀其能繼  
茲歌詠者司空侯使君乎自文昭武穆祚土開家濮水  
盛其衣簪榮波分其序秩仁義之道夷門美於大梁儒  
雅之風司徒重於強漢自通人許幼託命於江湖高士  
素忠寄身於交越俱違建安之難獨處衡山之陽祖天  
資秀傑世載雄豪卓富擬於公侯班佃必於旌鼓父光  
祿大夫邑里開通德之門州縣無抗禮之客自茫茫禹

迹赫赫宗周家滅驪戎國亡夷羿我高祖武皇帝迺河  
圖於浪泊括地象於炎州南興涿鹿之師北問共工之  
罪天生宰輔堯年致白虎之祥神賜英賢殷帝感蒼龍  
之傑公亦觀時佇聖嘯咤風雲跪開黃石之書高咏元  
池之野沈吟梁甫自比管仲之才惆悵莘郊久負伊生  
之歎自羯鹵侵華羣蠻縱軼後臯桂部之地四戰五達  
之郊郡境賢豪將謀禦難長者僉論推公主盟義士雄  
民星羅霧集公既膺五聘方啓六韜率是驍徒仍開嶺  
嶠自大討瀟湘同茲樊鄴下軍違命上策不宣敗我王  
師受拘勅盜大陳格於文祖咸秩具神率土依風羣靈

稟朔公亦忠為令德天纂之謀吳帳斯開衛門無擁雖  
復季孫還魯隨武濟河國慶民歡相儔匪若即授使持  
節開府儀同三司丹陽尹昔光武不尤於馮異穆公深  
禮於孟明終報王官之師遂舉咸陽之地斯乃聖主之  
宏略而名臣之遠圖者焉皇帝以陶唐啓國致玉版於  
河宗顓頊承家佐金天於江水經綸草昧定鼎之業居  
多締構權輿斷鼈之功相半固以英聲馳於海外信義  
感於寰中主器攸歸當璧斯在公於是抗表長信清宮  
未央從億兆以同心引公卿而定策馳輕軒於軫轡奉  
侍駕於中都七廟之基於焉永固萬邦之本由此克寧

乃復進司空公南徐州刺史於是鎮之以清靜安之以  
惠和望杏敦耕瞻蒲勸穡室歌千耦家喜萬鍾陌上成  
陰桑中可詠春鷓始轉必具籠筐秋蟀載吟競鳴機杼  
或肅拜靈祀躬瞻舞雩去駕擁於風塵還旌阻於飄沐  
京坻歲積非勞楚堰之泉倉廩年豐無用秦渠之水雖  
復東過小縣夏雨逐其輕輪南渡滄江秋濤弭其張蓋  
固不得同年而語矣若夫聽採民訟昏曉必通名引軒  
櫺躬親辨決立授符於前案無留詣於後曹接務高城  
之中非異甘棠之下欣欣美俗濟濟都塵以賈琮郭賀  
之風行建武永平之化於是州民散騎常侍王瑒等拜

表宮闕請揚茲美化樹彼高碑民欲天從允彰絲誥銘  
曰鬱鬱三象茫茫九州繇天慘沴浹地處劉赫矣高祖  
爰清國讎元勳佐命力牧風后亦旣旋歸邦家有暉宮  
亭蠡浦奮翅高飛電卷勅寇風行國威文身被髮作貢  
來綏我皇纂武攀號東序謁渭同周迎門惟呂流矢爲  
暴攬槍斯舉喋喋蒼黎峗峗刀俎自我徂征妖氛克平  
爰驅大虺實翦長鯨北震巢浦南俘灌城青羌卷介赤  
狄迴兵蹈舞難踰歌謠靡宣曰我黎庶俱祈上元山移  
兩越海變三田公爲上相復倍斯年 又廣州刺史歐  
陽頴德政碑曰弱水導其洪源軒臺表其增殖懿哉少

府師儲皇於二京盛矣司徒傳儒宗於九世廣陵邕邕  
族擅江右渤海赫赫名重洛陽若夫岳鎮龍蟠星懸鶉  
火衡山誕其高德湘水降其清輝千仞孤標萬頃無度  
年當小學志冠成童因孝爲心欲仁成體屯騎府君早  
棄榮祿易簣之日幾將毀終不杖之言深非通制遺賫  
巨萬富擬猗頓裁變槐榆並賑宗戚南茨大麓北眺清  
湘得性於橘洲之間披書於杏壇之上三冬文史五經  
縱橫頻致嘉招確乎難拔旣而帝啓黃樞神亡赤伏天  
地崩賈川冢沸騰羣悍酋豪更爲禍亂朝披羽檄夜照  
燿烽浴鐵蔽於山原縱金駭於樓堞公疲兵屢出獨據

胡牀勅賊重圍尚凭書几揚灰旣散駕棒將揮咸尅凶  
梁以保衡服常以二主蒙塵三光掩曜出入逾於嘗膽  
殷憂獨其撫心不治第宅深符去病志梟羣醜彌同越  
石自禹圭旣錫堯玉已傳物變謳謠風移笙管商周之  
際孤竹尚其哀歌曹劉之間蘇子猶其狂哭况番禺連  
帥實謂宗枝迷我天機自窺梁鼎以公威名本重逼統  
前軍乾數難違剝象終悔高祖永言惟舊彌念奇功即  
訓皇家深弘朝紀檻車才至輿觀已焚祝史祆於夷吾  
壇場延於井伯綢繆安樂造次訐謀爰珥豐貂允光金  
螭但八桂之土蠻夷不賓九疑之陽兵凶歲積以公昔

在衡臯深留夙愛仁恩可以懷猛獸威名可以懼啼兒  
乃授持節散騎常侍衡州刺史我皇帝從唐侯以膺國  
屈啓筮而登家一恭寶祚開定江沔三改璇衡包羅湘  
峽昔中宗屈申於處仲高祖遺恨於平城漢武承基方  
通沙塞晉明紹運裁平姑孰方其盛業綽有光前踐祚  
之初進公位征南將軍廣州刺史又都督東衡州二十  
州諸軍事宜公乃務是民天敦其分地火耕水耨彌亘  
原野賊盜皆偃工賈競臻鬻米商鹽盈衢滿肆新垣旣  
築外戶無扃脂脯豪家鍾鼎爲樂揚祛灑汗振雨流風  
市有千金之租田多萬箱之詠僧釋慧羨等來朝絳闕



備啓丹誠乞於大路康莊式刊豐琰庶樊御寶鼎復述  
台司之功羊叟高碑更紀征南之德於是跪開黃素爰  
登紫泥鑿此誠祈皆如所奏乃詔庸臣爲其銘曰赫赫  
宗陳桓桓鼎臣千乘建學五典攸因盛德斯遠公門日  
新嵩高惟岳貺甫生申去衡移廣遷征自鎮悠悠銅界  
藐藐金鄰莫遠非督無思不賓三江靡浪五嶺奚塵式  
歌式舞仁哉至仁公自饗福於萬斯春 又晉陵太守  
王厲德政碑曰若夫睢陵世傳以詳載德之華徐州先  
賢亦著清風之美偉哉文獻光啓中興郭萆表其深源  
何籌慙其遠慶豈唯桓氏之鳴玉張家之珥貂素姓之

朱衣楊宗之華轂又有飲飛遮列班弓夾門濯龍俯望  
緹騎盈道奕世如此何其盛哉君以藍田美玉大海明  
珠灼灼美其聲芳英英照其符彩風神雅淡識量寬和  
既有崔琰之鬚眉非無鄭元之腰帶爛爛如高巖下電  
騷騷若長松裏風勢利無擾於胸襟行藏不繫於懷抱  
家門雍睦孝友爲風上交不諂下交不瀆脫貂救厄情  
靡矜吝釋馬窮途惟濟危殆至於網羅圖籍脂粉藝文  
學侶揖其精微詞宗稱其妙絕出爲仁武將軍晉陵太  
守五雞三虱勤恤有方問羊知馬鉤距兼設濟北移樹  
累政之所未治汝南爭水連年之所無斷一朝明決曾

不留滯四民商販咸用殷阜銘曰康哉寶運美矣良臣  
胄自灋水源於洛濱公侯世及宰輔相因曰我民秀山  
川降神風情穆穆孝友恂恂學則經笥文爲世珍高風  
遠矣曠代難倫鼎鉉虛職台階未臻安知霜霰遽天松  
椿碣石斯表民情旣陳徒然下拜何報陽春江總吳  
興郡廬陵王德政碑曰卓爾吾王天人可擬早成夙智  
謙懷虛己偃息流略翱翔文史三雍雅對九師名理好  
古如斯學兼之矣睢陽肇構碣石初開賜田待士榜道  
求材剖符彭國述職琅臺去謠曙鼓留歌暮來周王  
褒上庸公陸騰勒功碑曰在昔洞庭彭蠡三苗有遠竄

之君太室陽城九州無同姓之國是知周衛設險所務  
非山川河岳作固所寶惟休德至於三峽蹇產九折崢  
嶸高峰尋雲深谷無景秦開漢閉雖阻荷戟之虞魏塞  
晉通終因東馬之利我大周開闢宇宙混同文軌御六  
氣於天樞頓八紘於地絡彭濮未恭邛笮不討外憑劔  
道之難內負銅梁之阨大將軍上庸公仗國威靈奉辭  
伐罪長戟萬隊巨艦千舳板楯酋豪斯榆君長歷稔逋  
寇累代稽誅廓清江源蕩滌巴濮若夫荆門千里蜀置  
永安之宮巴水三迴吳阻夷陵之縣巫峽使君之灘淪  
波洽沒陰平督郵之道棧徑威紆路阻蠻陬途橫夷落

政術部

尚書類稿卷一百一十五

善政

擅強專險輕法侮吏天子爰詔有公奉命天討星言載  
塗指日邁邁冊授公大將軍信州刺史韓信名拜軍中  
致設壇之禮衛青出征臨河聞後距之令夫鍾鼎大禮  
之器昭德必書金石不朽之質庸勲斯樹某等乃建碑  
於某地敢作頌云遐觀命氏眇求世祿龍圖紀河鴻漸  
于陸霸楚傳姓命吳啓族君子篤生降靈惟岳朝陽擢  
彩荆山曜璞巴庸自擅彭濮稱王南洎楚道西通夜郎  
內憑玉壘外阻銅梁介視荒服斗絕邊疆赫赫南仲堂  
堂方叔天子命我遐征越逐竇氏車騎去病冠軍封山  
刊石鐫銘刻勲遠隔年代懸感風雲盛德必祀千載斯

文

**增**

唐李軫泗州刺史李君神道碑曰君諱孟雙字

公悅君之臨猗氏也萊田數十里上蔽荆榛下闢烏鹵  
逋逃夜聚豺狼曉嗥公曰穀不足者地有餘利食不足  
者人有餘功長荆棘孰若樹禾稼聚豺狼孰若利貧窶  
乃疏鑿涑川化草莽為陂塘變磽确為墳壤人民胥悅  
工亦子來雖史起決漳鄭國開白亦何加也

**增**

墓誌唐白居易虢州刺史崔公墓誌銘曰唐有通四

科達三教者曰崔公元亮授密州刺史密民之凍餒者  
賑恤之疾疫者救療之齒體未殯者命藏葬之男女過  
時者為嬪娶之三月而政立二年而化行密人悅之發

政術部

尚書類稿卷一百一十五

善政

聖

為謠詠換歙州刺史其政如密先是歙州民畜牛馬而生駒犢者官書其數吏緣為姦公既下車盡焚其籍孳息貿易一無所問先是歙民居山險而輸稅米者擔負跋涉苦不支公許其計斛納緡賤入貴出官且獲利人皆忘勞農人便之歸如流水朝廷聞其政徵拜刑部郎中謝病不就俄改湖州刺史政如密歙加以聚羨財而代逋租則人不困謹茶法以防黠吏則人不苦修堤塘以備旱歲則民不饑罷民賴之如依父母

**增**行狀唐杜牧浙江西道觀察使崔公郾行狀曰三吳者國用半在焉因高為旱因下為水者六歲矣於是科

民等第籍地沃瘠均其征賦一其徭役經費宴賞約事裁節誠禱山川歲獲大稔復曰衣冠者民之主也自艱難已來軍士得以氣加之商賈得以財侮之不能自奮者多栖於吾土遂立延賓館苟有一善必接盡禮因訪閭里知民之疾苦期歲而吳民復振

**增**傳唐李華東川節度使盧公傳曰盧坦字保衡為宣州刺史江淮大旱米價日長或說節其價以救人坦曰宣州地狹穀不足皆他州來若制其價則商不來矣價雖賤則無穀奈何後米斗及二百商人舟米來者相望坦乃借兵食多出於市以平其價人賴以生當塗縣有

渚田久廢坦以為歲旱苟貧人得食取傭可易為功於  
是渚田盡闢藉傭以活者數千人又以羨錢四十萬代  
稅戶之貧者故旱雖甚而人忘災

**增**書事唐孫樵書何易于曰益昌民多即山樹茶利私  
自入會鹽鐵官奏重權筦詔下所在不得為百姓匿易  
于視詔曰益昌不征茶百姓尚不可活矧厚其賦以毒  
民乎命吏剗去吏爭曰天子詔所在不得為百姓匿今  
剗去罪愈重吏止死明府公寧免竄海裔邪易于曰吾  
寧愛一身以毒一邑民乎亦不使罪蔓爾曹即自縱火  
焚之觀察使聞其狀以易于挺身為民卒不加劾

**增**述唐盧子駿濠州刺史劉公善政述曰客有自濠梁  
來者余訊之曰濠梁之政何如客曰楚俗好巫而信鬼  
死者其親戚不敢穿廳事葬相傳立小屋號曰殯宮焉  
雖在城郭亦為之有土木墮築棺櫬巍然者有棺櫬分  
拆骸骨縱橫者不獨庶人而士大夫之家有焉劉公惻  
然曰非禮也下令曰某月有限限畢其家不闕地葬者  
笞二十鰥寡惸獨力不任者絕嗣無主旁無近親者刺  
史以俸錢為塋訖事人無犯令野無殯宮焉盧子曰葬  
者藏也欲人之不得見也奈何濠之人不藏其父子昆  
弟邪劉公教生者以禮恤死者以仁因書以備太史氏

采錄焉

寬政一

**增**易曰雷雨作解君子以赦過宥罪 禮記曰孔子過泰山側有婦人哭于墓者而哀使子路問之曰子之哭也壹似重有憂者而曰然昔者吾舅死於虎吾夫又死焉今吾子又死焉夫子曰何為不去也曰無苛政 彙苑詳注曰馬援務開寬信恩以待下任吏以職但總大體而已賓客故人日滿其門 後漢書曰卓茂為密令勞心諄諄視人如子嘗有言部亭長受其米肉遺者辟左右問之曰亭長從汝求乎將自以為恩意遺之乎人

曰往遺之耳茂曰若是則汝為敝人矣凡人之生羣居雜處故有經紀禮義以相接汝獨不欲修之寧能高飛遠走不在人間邪亭長以素善吏歲時遺之禮也人曰苟如此律何故禁之茂笑曰律設大法禮順人情今我以禮教汝汝必無怨惡以律治汝何所措其手足乎一門之內小者可論大者可殺也且歸念之 冊府元龜曰唐房元齡為尚書左僕射既總百司明達吏治飾以文學審定法令意在寬平 經濟類編曰唐徐有功名弘敏以字行初為蒲州司法不事敲朴吏相約有犯徐司法杖者眾共斥之迨官滿不杖一人 錦繡萬花谷

曰宋璟為政寬厚仁愛百姓號有脚陽春 資治通鑑  
曰元和十四年以張弘靖同平章事充宣武節度使弘  
靖宰相子張延賞少有令聞河東宣武闕帥朝廷以其  
位望素重使鎮之弘靖承王鏐聚斂之餘韓弘嚴猛之  
後兩鎮喜其廉謹寬大故上下安之 冊府元龜曰後  
唐李嗣昭為昭義節度使時大兵之後城中士庶饑死  
者半鄆里蕭然嗣昭緩法寬租勸農務穡一二年間軍  
城完輯 續問奇類林曰杜祁公之帥并州也吏請家  
諱公曰我無所諱諱取枉法賊耳 又曰曹侍中彬知  
徐州有吏犯罪逾年然後杖之人皆不曉彬曰吾聞此

人新娶婦若杖之彼其舅姑必以為不利而惡之吾故  
緩其事而法亦不赦也其用志如此

寬政二

**原**閉閣 吐茵 韓延壽為馮翊行縣至高陵有兄弟訟  
出遣吏作告縣中惶懼所訟田兄弟悔過叩頭謝罪請  
改行 丙吉為相馭吏嘗醉採田斥之吉曰以醉飽不  
過吐丞相 服民 得眾 服民 唯以德者能以寬  
車茵耳 制寬 寬政是以和 寬猛而有制 師蕭曹 學  
濟猛 蕭曹以寬厚清淨為天下師 汲黯字長孺為東  
黃老 海守學黃老之言清淨治人責大指不苛細治  
淮 不按吏 不殺盜 丙吉為丞相令三公府不按吏  
陽 令他界盜入境吏捕得褒不殺 增 放遣子女 歸還  
政術部 尚監類函卷一百二十五 寬政

奴婢冊府元龜曰李亮為安州刺史會輔公祐反大  
多衣冠子破亡至此吾亦何忍以汝為賤隸乎一皆  
放遣又曰李復貞元初為容管招討使先時西京叛  
坊重役復乃令訪其人皆沒為奴婢配作縣令減威  
諸將設誓尚寬心懷向洛陽令揚德幹特酷烈杖殺  
賢也德幹為滅威之問奇類林曰曹武惠王攻金陵垂  
克忽稱疾不視事諸將皆來問疾王曰余之病非藥石  
所能愈諸公克城之日不妄殺一人則愈矣諸將諾共  
焚香為誓明日稱愈及克不鞭甯越唯殺嘉運濟  
金陵城中皆安堵如故政尚清靜不為細察有犯夜  
類編曰王承為東海太守政曰從師受書不覺日暮承曰  
鞭撻甯越以立威名非政化之木使吏送令歸家冊  
府元龜曰郝元威名非政化之木使吏送令歸家冊  
李嘉運與賊相連謀為內應高祖令收按其黨元放  
軌以強寇在境人心不安唯殺嘉運餘無所及

俘九十捨擒四千冊府元龜曰祥名振高祖武德初  
鄴俘其男女千餘人去鄴八十里閔婦人有乳汁者九  
十餘人悉放遣之鄴感其仁又曰郭子儀天寶末為  
朔方節度使討安祿山拔必斬當以卿應必責當  
趙郡生擒四千餘人皆捨之必斬當以卿應必責當  
以汝始劉普慶說曰麒麟拜齊州刺史在官寡刑罰從事  
威麒麟曰人不犯法何所戮乎若必斬斷以立威當以  
知應之普慶慙懼而退唐書曰陸象先為蒲州刺史  
小吏有罪謂彼不曉吾言邪必責者當先為人情大  
黃霸獨用寬和萬福皆有惠愛經濟類編曰昭帝立  
武帝法度以刑罰痛繩羣下由是俗吏尚嚴酷以為能  
而黃霸獨用寬和為名合璧事類曰張萬福涖九州  
皆有惠愛

政術部  
寬政三  
淵監類函卷一百二十五  
寬政



**增**不意使以刑不上大夫何休解之難行故君子不刑不意使以刑不上大夫何休解之難行故君子不刑不意使以刑不上大夫何休解之難行故君子不刑

破觚斲雕而為朴網漏於吞舟之魚而為圜斲

中繩則止斷斧斤而行之中繩則止

不多殺獲前漢書酷吏傳曰昔韓盧之取兔也上觀

原議曹醉呼從功曹少卿為渤海徵入議曹王生請

適從之入笑曰君醉呼曰明白王生嗜酒不可從遂不忍

生教掾吏為友為師友有過輒閉以孝行為官謂掾吏

弱曰吾哀穎川人十以我罰蒲鞭有過以蒲鞭建者

辱以示遣長休鍾離意遣長休其父令建進藥死

不鞫賊罪後漢袁安字邵公為河南尹政號嚴明未嘗

則希為聞者皆感激自厲所稱曰凡仕者高則望宰相下

操以暴吾以仁操以急吾以寬不如小決為新序曰聞

人必多吾不能救也防怨譬之若防川也大決所犯傷

文選王融策文云傷秋荼之密網憫

歸郭子注莊云譬之野獸之窮地意急情

刑于頌錄政之善者無取乎嚴刑

寬政四

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

政術部

增詩宋方岳簡徐宰詩曰雨外茅茨黃葉村老農相語

一燈昏山深未識新宮姓但說無人夜打門

**增**碑唐孫逖東都留守韋虛心神道碑序曰皇帝二十四年鑾駕還長安之月有坐殊死在繇繫者時迫季冬將寘嚴法公為之請曰攸徂之慶方喜來蘇好生之德宜加在宥上可其奏減許從流 杜黃裳東都留守顧公神道碑曰公諱少連字夷仲授登封主簿邑有暴虎公以為天道可以誠感猛鷲可以仁服乃堙塞陷窅移檄靈岳於是人安其居獸不為害公尹京兆以為設鉤距塗赭衣前人之所為不足以為四海式於是布和平尚簡易始務仁人之惠無取赫赫之名政弘大體去有

餘慕

**增**策唐張說對策曰臣聞刑以助教德以閑邪先王慎於好生大易誠於緩死今陛下毋臨黔首子育蒼生乎佑下人克配上帝然有東南小侵荆蠻遠郊雖聖德泣辜尚用防風之戮天心罪己仍勞淮甸之師其有註誤間閭脅從并邑陛下愍孤孀於海淮恤困窮於江漢捨從寬宥此陛下之恩也今策政刑之要臣聞政同水火刑譬陰陽頃者三監亂常有司既糾之以猛於今四罪咸服陛下宜濟之以寬明肆赦之渥恩安萬人之反側布深仁於羅鳥收至察於泉魚豈不大哉

政術部

淵鑑類函卷一百二十五

寬政吏久從政

異

吏久從政一

**增**易曰日月得天而能久照四時變化而能久成聖人久於其道而天下化成後漢書曰五年再閏天道乃備夫以天地之靈猶五載以成其化況人道哉又曰天下非一時之用也海內非一旦之功也蘇軾策曰古之用人者知其久勞於位則時有以賜予勸獎之以厲其心不聞驟遷以奪其成效羣書考索曰漢制邊吏三歲一更而其他官吏以至倉庫之微初未嘗有終更之限也夏侯嬰自高祖時為太僕至文帝世不易其職貢門歷三世不徙官此其在內然也有為京兆五年張敞

有為刺史五年何武有為郡守八年黃霸未嘗不久任也王嘉謂文帝時吏居官者或長子孫以官為氏其二千石長吏亦安官樂職莫有苟且之意此足以見漢之任吏不輕易置也苟二千石治行課最則特璽書增秩賜金亦未遽遷擢以重斯民去思之心又曰官守數易弊法也而將相之數易監司郡守之數易其弊為尤甚祖宗朝趙中令之相凡十一年王文正之相凡十二年向文簡之相亦十年皇祐用相遠者五七年次者二三年而亟用亟罷何郊已切議之良以道揆之任非百官有司比任之則勿疑疑則勿任祖宗朝郭進之守西山凡二

十年李漢超之守關南凡十七年董遵晦之守通遠凡十四年其餘或九年或十年或十餘年蓋不可悉數夫閫外之任古人所重委之也專任之也久則可以責其成效擢之未幾而遷之隨至雖有頗牧何所用之祖宗朝宋博轉運使河東凡十一年宋璠之知秦州凡六年蔣元振之知白州凡七八年在蜀者或至三任宰桐廬者或七年不遷而知滄州未半年而更三任授發運使未數日而又遷諫議則吳申力言之夫親民之職不可屢易監司一易則擾一路郡守一易則擾一州令宰一易則擾一縣送故迎新勞擾萬狀五日京兆奸者侮之

雖百龔黃何所容其技邪祖宗朝曰相曰將曰監司曰守令無一不久其職者正謂是也不寧唯是張質之在樞密五十年王貽永爲樞密十五年古之以司馬爲氏不過是也陳恕之在三司十二年李士衡之任筦計二十年古之以倉庫爲氏不過是也趙師民楊安國之在經筵或十餘年或二十七年所以養君德者多矣司馬光劉溫叟之在臺諫或五年或十二年所以格君心者久矣張師德九年在西掖章得象十二年在翰林所以出納王命者當矣

吏久從政二

**原**吏安其任民習其化唐虞三載考績欲使吏安其任  
 因以為氏漢為吏長子孫因以其化而無首目之政  
 者不即移易就增秩賜金欲使人安  
 其化故人皆勵精為理百姓安富也  
 川太守務在成就安緣全長吏不欲易代  
 送故之費及成安緣全長吏不欲易代  
 皆當出於民所易吏又未必賢或不如故益為  
 亂也注云吏因緣交代之際匿簿書盜財物也  
 祿寬算後漢左雄奏鄉部親民之吏清白任從政者寬  
 舉如比則送迎之役  
 損時官督用權不省  
 稽守政績第一  
 於其道然後化成況其自頃多難官職數易雖聖人猶久  
 和為諸郡首宜進久於其事  
 其位班以勸風教久於其事  
 郡宜并省官職令久於其事  
 為刺史二十餘年冊府

曰陳孝揚為馬州刺史二十餘年蠻夷愛之後為河  
 以老歸成都蠻夷交持之泣涕數百里方免為河  
 南尹四十年又云後唐張全義自唐末為河南尹四十  
 年澤洛之民思如父母班白耆老到今思

淵鑑類函卷一百二十五

政術部

淵鑑類函卷一百二十五

吏久從政

三



